



UNIVERSITÄTS-
BIBLIOTHEK
PADERBORN

**Q. SEPTIMII|| FLORENTIS|| TERTVLLIANI||
CARTHAGINIENSIS|| PRESBYTERI, OPERA|| QVÆ
HACTENVS REPERIRI|| POTVERVNT OMNIA:||**

Tertullianus, Quintus Septimius Florens

Antverpiae, 1584

Paradoxa Tertvlliani, Cvm Antidoto Iacobi Pamelii.

[urn:nbn:de:hbz:466:1-73633](https://nbn-resolving.org/urn:nbn:de:hbz:466:1-73633)

PARADOXA TERTULLIANI,
CVM ANTIDOTO IACOBI PAMELII.

1. De Angelis desertoribus qui duxerunt filias hominum. *Tom. 2. Lib. de Idolol. c. 9. n. 47. Libro de Habitu mulieb. c. 2. n. 17. lib. de Cultu foemin. c. 10. n. 56. & lib. de Velandis virgin. c. 7. n. 52. Item Tom. 3. lib. 5. adu. Marc. c. 18. n. 291.*



HIVS Paradoxi Tertullianus primus Auctor non est, neque postremus, sed sicuti partim adnotauimus ad lib. de Habitu virg. vbi maximè ex proposito illud tractat, ante eum Ioseph. Antiquit. lib. 1. S. Iustinus Mart. Apolog. vtraque, Athenag. in Apol. Clemens Alex. lib. 3. & 5. Stromat. post eum Lactant. lib. 2. Instit. diuin. c. 15. S. Cyprian. lib. de Disc. & hab. virg. num. 54. Euseb. lib. 5. Euang. præpar. & Method. ferm. de Resurr. Causam erroris dedit, quòd lxx. editio Græca vetus, quam illi secuti sunt, post Philonem legeret: *οἱ ἄγγελοι τῶ θεῷ*, & Latina Italica, vel SS. Ambros. August. Procopio testibus, angeli Dei, pro eo quod postea lectum inuenitur *οἱ υἱοὶ τοῦ θεῷ*, & Latine, filij Dei, quam vtramque agnoscerunt suo tempore SS. August. & Procopius. Verùm pulcrè eam sententiam per absurditatem refutat S. Chrysof. hom. 22. in Genesin, adferens nusquam alibi in scripturis sacris (sempe iuxta editionem lxx. quam solam nouerat) vocari angelos filios Dei. item S. Ambros. lib. de Noe & arca cap. 4. S. August. qu. 3. in Gen. & latius lib. 15. de Ciuit. Dei cap. 15. S. Epiphani. Epit. diuin. dogmat. & Procopius in Comment. quorum Chrysof. & August. etiam auctoritatem libri Enoch, quo niti videtur Tertullianus, impugnant. Qui omnes & angelos & filios Dei, posteros Seth, vtpotè Dei cultores, interpretantur, sicuti etiam B. Hieron. lib. de Tradit. Hebr. in Genesin; denique Ven. Beda, Hrabanus noster & Haymo Comm. in Gen. Scribentes & in scripturis sacris frequenter angelorum nomine viros fideles & iustos appellari. Quid: quòd Philastrius lib. de hæres. cap. 108. inter hæreses recenset, eos qui adserunt angelos miscuisse se cum foeminis ante diluuium, & inde natos esse gigantes.

2. De Angelorum apparitionibus in vera humana carne. *Tom. 3. lib. 3. adu. Marc. c. 9. n. 61. ac c. 11. num. 72.*

IDENTVR quidem tale quid sonare verba illa Tertulliani: *Dehinc scito, nec illud concedi tibi, vt putatina fuerit in angelis caro, sed vera & solida substantia humana.* Sed in aliis libris eodem conscriptis tempore, ita seipsum explicat, sicuti adnotauimus ad lib. de Carne Christi c. 6. n. 60. vt nihil certi ea de re voluerit adferere; alioqui enim sibi videbitur contrarius. *Constat* (inquit ibi) *angelos carnem propriam non gestasse, vt puta natura substantia spiritalis, & si corporis alicuius, sui tamen generis, in carnem autem humanam transfigurabili ad tempus, vt videri & congruere cum hominibus possint.* Et apertius lib. de Resurr. carn. c. 62. *Quia & angeli, inquit, aliquando tanquam homines fuerunt, edendo, bibendo, & pedes lauacro porrigendo: Humanam enim superficiem induerant salua inuis substantia propria.* Hoc sufficere vbiq; visum est Auctori, quòd dogmati Apellis non consentiret, qui ex aërea substantia angelos creatos dicebat, vt ne videretur illi & in hoc consentire, quòd Christi corpus ex ætherea materia originem haberet suam. Atqui qualia corpora, & vnde adfumsa ab angelis fuerint, etiam hodie controuersum est apud Magistrum Sententiarum lib. 2. dist. 8. §. 4. Nos loco iam citato cum S. Bernardo de hoc sententiam nostram suspendere maluimus quàm certi quid definire. An autem senserit Auctor, quòd illi quidam impingunt, *corporeos esse angelos & demones,* non immeritò dubitare licet. Maximè quum Auctor, etiam videatur hic sui generis corpus angelis tribuere, tamen faciat eos *substantia spiritalis,* sicuti etiã non semel in Apologerico, & nominatim c. 22. spiritalis vires & angelis & demonibus adtribuit, & spiritus vocat. Magis tamen recepra est, mihi que placet eorum sententia, qui incorporeos faciunt; inter quos veniunt commemorandi SS. Dionys. Areop. cap. 2. cælest. Hierarch. Athanas. de commun. essent. Patris & Filij & Spiritus sancti, Chrysof. homil. 22. in Gen. Cyrill. lib. 4. in Ioann. c. 10.

3. De Anima primi hominis ex materia Dei. *Tom. 3. lib. 4. adu. Marc. c. 37. n. 611.*

HIC quidem pertinere videntur illa Auctoris verba, explicantis illud Luc. 20. *Reddite quæ sunt Dei Deo: Hominem igitur reddi iubet creatori, in cuius imagine & similitudine & nomine & materia expressus est.* Qui locus fortassis in causa fuit, vti sic scribat de illo Gennad. lib. de Dogmat. Eccles. Nihil ex Trinitatis essentia ad creaturarum naturam credamus deductum, vt Plato & Tertullianus. Verùm quum S. August. qui toties deducit animam non posse partem Dei dici, nihil tale illi adtribuat,

latronem ibidem, siue in paradiso aliquandiu fuisse, satis in confesso sit; tamen inde per Christum in cælum sunt deducti, iuxta illud Psalm. 67. & Ephes. 4. Ascendens Christus in altum, captiuam duxit captiuitatem; id est vel ipso Apostolo Interprete: super omnes cælos. Deinde loco illo citato Apocal. 6. S. Augustinus stolas albas interpretatur Serm. 4. de Sollemn. Sanct. mercedem baptismi, præmiū Martyrij, & gaudium cœlestis patriæ; adlegans ad hoc verba sequentia Apoc. 7. Stabant ante thronum in conspectu agni, amicti, stolis albis, & palmæ in manibus eorum. vnde concludit: Stant in conspectu agni ante thronum Dei coronati, nulla illic ratione à contemplanda eius gloria separandi. Nos itaque locos similes & Cypriani & eiusdem S. Augustini, ac SS. Ambrosij & Chrysof. (apud quos etiam loca quædam obscura reperiuntur) citauimus in Adnotat. nostris ad Epist. S. Cypriani 16. num. 19. Adnotauit etiam aliquot pro nobis loca Feu-ardentius in S. Irenæo; contra quàm alij sentiunt lib. 1. c. 2. n. 3. & alibi. Si quis plura desideret, videat Sixt. Senens. Bibl. Sanctæ l. 5. Adn. 169. & l. 6. Adn. 264. & 345. Hic in omnium Sanctorum commune receptaculum vocet; sic explicet B. Cyprianus eius discipulus Epist. 52. ad Antonin. Aliud est ad veniam stare, aliud ad gloriam peruenire, aliud missum in carcerem non exire inde donec soluat nouissimum quadrante, aliud statim fidei & virtutis accipere mercedem; aliud pro peccatis longo dolore cruciatum emundari & purgari diu igne, aliud peccata passione purgasse, aliud de neque pendere in die iudicij ad sententiam Domini, aliud statim à Domino coronari. Quod ipsum facere ad confirmandam traditionem Ecclesiæ de Purgatorio, ibidem adnotauimus n. 59. & ad Tertull. lib. de Anima c. 51. n. 611. Ceterum Auctori, qui omnes animas etiam fidelium piorum sequestrari vult vsque ad diem iudicij, prorsus contraria est illa B. August. adfirmatio lib. 20. de Ciuit. Dei: Iam inde quo san-ctus Christi antiquos sanctos ex inferis eruit, deinceps boni fideles, effuso illo pretio redempti, prorsus inferos nesciunt.

10. Animarum Mortuorum omnem exhibitionem incorporealem præstigijs esse. Tom. 3.
lib. de Anim. c. 57. n. 643.

RIMA quidem facie videtur istud Paradoxum, sed agit Tertullian. ex instituto contra Simonis Magi discipulos hæreticos, qui etiam Prophetarum animas ab inferis mouere se spondebant, quod non nisi in angelum lucis; de quo etiam alios Patres quosdam dubitasse ibidem adnotauimus n. 638. Deinde seipsum explicat adiciens: nulli animæ inferos parere, idque adprobans ex dictis Abraham ad diuitem Luc. 16. Quum interim fateatur quasdam animas in corpora Dei virtute posse reuocari; quidni & ex peculiari Dei priuilegio extra corpus etiam exhiberi; maximè quum (de quo etiam ibi n. 643.) exemplum habeamus in Libris Machabæorum de apparitione Oniæ sacerdotis & Hieremiæ Propheta. Vt vti sit, S. Augustinus pulchrè hac de re sic scripsit lib. de Cura pro mort. c. 10. n. 15. ac 16. Narrantur visa quædam, feruntur corpora iacerent inhumata nescientibus, locis demonstratis admonuisse, vt sibi sepultura quæ defuerat, præberetur. Hæc si falsa esse responderimus contra quorundam scripta fidelium (vt potè exempli gratia, S. Ambrosij Serm. de Inuentione corporum SS. Gerasij & Protasij, & S. Luciani de Inuentione corporis S. Stephani Protomartyris, & aliorum) & contra eorum sensus qui talia sibi accidisse confirmant; impudenter venire videbimur. Angelicis igitur operationibus fieri, inquit, crediderim, siue permittatur desuper, siue iubeatur. Id autem aliquando vtiliter fit, siue ad viuorum qualecumque solatium, siue vt his admonitionibus generi humano sepulturæ commedetur humanitas. Deinde post multa in vtramque partem productis argumentis, sic concludit: Mitti quoque ad viuos aliquos ex mortuis, sicut e contrariò Paulus ex viuis in paradysum raptus est, diuina scriptura testatur. Nam Samuel Propheta defunctus viuo Sauli Regi futura prædixit (quamuis nonnulli, inter quos, vti iam dixi, Auctor noster, non ipsum fuisse, qui potuisset magicis artibus euocari, sed aliquem spiritum tam malis operibus congruentem illius existiment similitudinem figurasse) quum liber Ecclesiasticus, quem Iesus filius Sirach scripsisse traditur, & propter eloquij nonnullam similitudinem Salomonis (etiam ab ipso Tertulliano alicubi) pronuntiat, contineat in laude Patrum (c. 46.) quòd Samuel etiam mortuus prophetauerit. Sed si huic libro, ex Hebræorum, quia in eo non est, Canone contradicitur; quid de Mose dicturi sumus, qui certè & in Deteronomio mortuus, & in Euangelio cum Helia, qui mortuus non est (Matth. 17.) legitur apparuisse viuentibus? Hinc & illa soluitur quæstio, quonam modo Martyres, ipsis beneficijs quæ dantur orantibus, indicant se interesse rebus humanis, si nesciunt mortui quid agant viui. Non enim solis beneficiorum effectibus, verum etiam ipsis hominum adspectibus, Confessorem apparuisse Felicem (quod ipsum etiam S. Paulinus adtestatur Carmine in Felicem) quum à Barbaris Nola oppugnaretur, audiuimus, non incertis rumoribus, sed testibus certis. Verum ista diuinitus exhibentur longè aliter quàm sese habet vsitatus ordo, singulis creaturarum generibus attributus. Quamquam ista quæstio (inquit) vires intelligentiæ meæ vineat, quemadmodum opulentur Martyres his quos per eos certum est adiuuari. Res hæc altior est quàm vt à me possit adtingi, & abstrusior, quàm vt à me valeat perferuari; & ideo quid horum duorum sit, an verò fortassis vtrumque, vt aliquando ista sicut per ipsam præsentiam Martyrum, aliquando per angelos suscipientes personam Martyrum, definire non audeo; mallem à scientibus ista perquirere. Quæ ipsa in compendium contraxit Auctor libri de Spiritu & anima c. 29. exstans inter opera B. Augustini.

Qui sanè quamquam (sic enim lego, pro: quoniam) acutus est, interdum contra opinionem suam ipsa veritate superatur. Quid enim verius dicere potuit, quàm id quod ait quodam in loco (nempe lib. de Anima c. 7. n. 98.) *Omne corporale passibile est?* Debit ergo mutare sententiam, qua alibi dixerat (nempe lib. adu. Prax.) etiam *Deum corpus esse*. Neque enim arbitror eum ita desipuisse, vt etiam Dei naturam passibilem crederet, vt iam Christus, non in carne tantum, neque in carne & anima, sed in ipso verbo, per quod facta sunt omnia, passibilis & commutabilis esse credatur; quod abist à corde Christiano. Et rursum ibidem verbis etiam supra citatis: Sed tremenda sunt ista, non ridenda. Ad hæc enim numquam cogere, si aliquid cogitare posset, quod & sit, & corpus non sit. Rursum lib. de heres. ad Quodu. har. 86. Ipsum etiam Deum corporeum esse dicit, licet non effigiatum (vbi adludere videtur ad lib. 2. adu. Marc.) Nec tamen hinc hæreticus creditur factus. Posset enim quocumque modo putari, ipsam naturam substantiamque diuinam corpus vocare, non tale corpus, cuius partes alia maiores, alia minores, valeant vel debeant cogitari, qualia sunt omnia, quæ proprie dicimus corpora (quamuis de Anima tale aliquid sentiat) sed potuit (vt dixi) propterea putari *corpus Deum* dicere, quia non est nihil, non est inanimata, non est corporis vel animæ qualitas, sed ybique talis, & per locorum spatia nulla partitus, in sua tamè natura atque substantia immutabiliter permanet. Certè ipse Auctor satis se explicat. Sic enim lib. adu. Hermog. *Et concedam interim esse aliquid incorporale, de substantiis dumtaxat; quum ipsa substantia corpus sit rei cuiusque; & lib. de Anim. c. 7. n. 96. Nihil enim, si non corpus. Item lib. de Carne Christi: Quum autem sit, habeat necesse est aliquid, per quod est, si habet aliquid per quod est, hoc erit corpus eius. Omne quod est, corpus est sui generis; nihil est incorporale, nisi quod non est.* Denique lib. 2. adu. Marc. *Nam & dexteram, inquit, & oculos & pedes Dei legimus, nec idè tamen humanis comparabuntur, quia de appellatione sociantur. Quanta erit diuersitas & diuini corporis & humani sub eisdem nominibus membrorum, &c.* Ceterum Deum incorporeum docent ceteri Patres omnes, & inter hæreses collocant contrarium affirmare, sicuti patet ex Philastro, S. August. Epiphani. Theodoretò, Damasceno, Isidoro, Hrabano in Catalogis hæreticorum, quum Audianorum siue Anthropomorphitarum faciunt mentionem.

16. De Dei ira. Tom. 1. lib. de Testim. Anima, cap. 2. num. 7. Tom. 3. lib. de Anim. cap. 16. num. 211. Aduers. Marc. lib. 1. cap. 26. num. 181. lib. 2. cap. 16. num. 94. lib. 4. cap. 15. num. 195. & cap. 31. num. 507.

PRIMA quidem facie videtur Tertullianus Deo adtribuere iram dictis locis, sed ybique ferè vindictam, seu actionem Dei interpretatur. Et verò id inculcare eum oportuit toties, non solum contra Gentes, sicuti primo loco, sed maxime adu. Marcionem, qui Deum adseribat bonum dumtaxat, non verò vindicem aut iudicem. Quo fit vt latissime aduersus illam disputet, & contrarium ex scripturis ostendat, illis vsus subinde, quæ ira Dei, atque adèò vindictæ mentionem faciunt; maxime lib. 1. adu. Marc. c. 25. 26. 27. & 28. lib. 2. c. 11. 12. 13. 14. 15. & 16. Est quidem locus vnus, vbi motus animi in Deo videtur agnoscere; sed præterquam quòd ibidem emulari, irasci, interpretatur, damnare, vexare, possiremo omnium loco se magis explicat, quum moueri Deum, & motus in Deo, pro ira accipit. Denique prorsus seipsum explicat dicto c. 16. lib. 2. in hæc verba: *Sine ira, sine emulatio, sine seueritas, debita hæc omnia sunt seueritati, sicut seueritas debitum est iustitiæ. Deinde quum obiecisset verba Marcionis: Si Deus irascitur & emulatur, & extollitur, & exacerbatur, ergo & corrumpetur, ergo & morietur. Scitè admodum responderet: Stulti simi qui de humanis diuina predicant; vt quoniam in homine corruptorie conditionis habentur huiusmodi passiones, idcirco & in Deo eiusdem status existimantur. Discerne substantias, & suos eis distribue sensus, tam diuersos, quam substantiæ exigunt, licet vocabulis communicare videantur. Nam & dexteram, & oculos, & pedes Dei legitur; nec idè tamen humanis comparabuntur, quia de appellatione sociantur.*

17. Ecclesiam esse in tribus, etiam laicis. Tom. 5. lib. de Exhortat. castit. cap. 7. num. 40. & lib. de Pudic. cap. 21. num. 191.

NON malè Tertull. lib. de Pœnitent. cap. 10. n. 60. dixerat, vt potè ante omnem hæresim: *In vno & altero Ecclesia est*, vt potè qui ibi adluderet ad illud Matth. 18. Vbi sunt duo vel tres congregati in nomine meo, ibi sum in medio eorum, quum præmississet pauloprius: *Dic Ecclesia. Quod tamen de præfectis Ecclesiæ Episcopis, non verò de laicis interpretatur* Veteres omnes, ipse quoque eodem loco loquens de sacerdotibus, quibus fiebat exomologesis. Prorsus etiam catholicum est illud lib. de Baptif. cap. 6. num. 47. *Vbi tres, id est, Pater, & Filius, & Spiritus sanctus, ibi Ecclesia, que trium corpus est.* Verùm ad hæresim pertinet, sicut etiam in Vita eius adnotauimus, illud lib. de Exhort. castit. *sed & vbi tres, Ecclesia est, licet laici.* Vnusquisque enim de fide sua vniuersim; maxime quum iisdem ferè verbis idipsum repetat lib. de Pudicit. ex quo loco colligitur eò venisse eum dementia, vt existimauerit Ecclesiam fuisse in tribus, nempe, Montano, Prisca, & Maximilla; quòd pertinet quòd ibi præterea negat, Ecclesiam esse numerum Episcoporum. Verùm late contrarium deduximus Adnot. nostris in locum priorem, vel ex ipso Tertulliano adhuc Catholico; vt etiam aduersus Magdenburgenses, qui inde colligebant Ecclesiam esse in paucis. Siquis plura desideret, perlegat libros, quotquot scriptis S. August. contra Donatistas, qui scripturas cum veteris, tum Noui Testamenti vndiquaque congeffit, quibus constat non in vno solo terrarum loco, vt potè Africa, Ecclesiam esse, sed toto orbe terrarum dispersam, iuxta & vaticinia Prophetarum, & Apostolorum testimonia sole clariora. Quò Lectorem remittimus, ne huc prolixior

xiores simus. Hoc vnum addemus, ad eandem eius hæresim pertinere, quod ait Tom. 2. lib. de Coron. milit. cap. 4. num. 47. *An non putas omni fideli licere concipere & constituere, dimittat quod Deo congruat?*

18. De Ecstasi *sive* amentia, *sive* spiritu Prophetico, Montani & insanarum Vatum Priscillæ & Maximillæ, & similibus. Tom. 2. lib. de Virgin. veland. cap. 1. nu. 12. Tom. 3. lib. de Anima c. 9. n. III. c. 45. n. 488. c. 47. n. 543. lib. de Resurr. carn. c. 11. n. 98. ac c. vlt. n. 436. Adu. Marc. lib. 4. c. 22. n. 325. & lib. 5. c. 8. n. 135. ac 136. lib. adu. Prax. c. 1. n. 7. 8. ac 10. & c. 15. n. 93. ac c. 30. n. 183. Denique in Fragmentis librorum septem de Ecstasi.

QUAM hæresim Tertulliano iam olim impeerunt S. Pacianus, S. Hieron. & Nicephorus locis citatis ad Fragmenta librorum eius de Ecstasi, Tom. 4. vbi ex eodem Hieron. & Epiphano ostendimus Ecstasim in Adamo, Gen. 2. fuisse profundum soporem, non mentis euersionem, & ecstasim in Apostolis (Matth. 17. ac Luc. 9.) Petro, Ioanne, ac Iacobo, neque amentiam fuisse, sed admirationis ecstasim, neque etiam cum Prophetia aliqua coniunctam. Deinde ex Apostolo 1. Cor. 14. quantumvis contrarium Auctor elicit, addita perperam clausula: *in ecstasi*; constare Spiritum Prophetarum Prophetis subiectum esse, vtpote quum (iuxta Hieron. verba ibi citata, & Origen. Hom. 6. in Ezechielem) Prophetia, visio vocetur, quam ad eum intelligebant Prophetæ, propterea Videntes appellati, non verò vt amentes inuiti loquebantur, aut sine mente sonum dabat. Vnde colligere est reuera amentiam fuisse, non Prophetiam, in Montano & eius Pseudoprophetissis, atque ad eum Deo disponente factum esse, vt vel hac appellatione sibi ipsi contradiceret Auctor. Id ipsum pulchrè ante illos aduersus Montanum deduxit Apollinarius Hieropolitanus Episcopus apud Euseb. lib. 5. c. 15. scribens illos spiritu quodam maligno abreptos, derepentè furore & mentis insaniam (quam *ecstasim* vocabant) exagitados, peregrinas quasdam voces fundere, & contrà quam Ecclesiæ consuetudo, cum traditione, tum successione antiquitus ab Apostolorum temporibus eousque deriuata postulabat, prophetare scilicet, cœpisse. Citat ille (apud Euseb. c. sequ.) & Miltiadii librum aduersus eundem, in quo ostendit, minimè credi oportere, quemquam Prophetam furore percitum prophetare solere. Neque enim (vt ex illo citat) quemquam Veteris aut noui Testamenti Prophetam adlegare poterunt, qui infano spiritu (per *ecstasim*) ad hunc modum fuerint aliquando exagitati. Neque de Agabo, neque de Iuda, neque de Sila, neque de Philippi filius ab Act. 11. 21. neque de Ammia ex Philadelphia, neque de Quadrato (cuius meminit Hieron. Catal. Script. Eccles.) neque de aliis quibuslibet præterea, quod vafano ipsorum more illa ex parte aliquando prophetauerint, omninò gloriari poterunt. Quorum nomina propterea sese recentuisse postmodum indicat, quod iactarent, mulieres illas Montani illis omnibus in Prophetiæ munus proximè successisse, non aliter atque (teste Hieronymo loco iam citato) in libris septem de Ecstasi, quorum septimum scripsit aduersus Apollonium Tertullianus, in confirmationem eiusdem illarum Pseudoprophetiæ scripsit, Melitonem à plerisque suorum Prophetam putatum, vt ita tacite successione quandam Prophetiæ tanquam verè insinuaret. Denique Apollonius libro suo aduersus Cataphrygas (vt legitur apud Euseb. eiusdem l. c. 17.) testatur Zoticum Episcopum Comanæ, quum Pepuzam aduentasset, ibi Maximilla prophetare se simulante, insanum in illa spiritu deprehendisse. Similiter Serapion (ibidem c. 18.) Antiochenus Episcopus, Beatum Soram in Anchiolo voluisse Priscillæ dæmonem eicere, sed veteratioris illos hypocritas neutiquam permisisse. Ceterum nihil pro Auctore facit, quod lib. 5. adu. Marc. Prophetandi ius etiam mulieres habere contendat, ex eo quod 1. Cor. 11. Apostolus Mulieri etiam prophetanti velamen imponat: quia non veram Prophetiam, sed mentis amentiam fuisse in insanis illis vatibus Priscilla & Maximilla iam probatum est: vt taceam quod illas impugnet ipse adhuc Catholicus, lib. de Præscript. adu. hæret. c. 41. in hæc verba: *Ipsæ mulieres hæretica quam procaces: quæ audeant docere, contendere, exorcismos agere, curationes reprobare, forsitan & tingere, sicuti latius ibi deduximus, n. 260. 261. 262. ac 263. & ad Lib. de Bapt. adu. Quantillam, etiam Montanicæ factionis feminam, num. 2.*

19. Filium Dei Christum, semper visum ab hominibus, in vera, etsi non nata carne. Tom. 1. lib. aduers. Iud. c. 9. n. 114. 115. Tom. 3. lib. de Carne Christi c. 6. n. 58. adu. Marc. lib. 2. c. 27. n. 187. 189. lib. 3. c. 6. n. 39. c. 9. n. 65. lib. 5. c. 19. n. 296. lib. adu. Prax. c. 14. nu. 86. 87. c. 16. n. 96. 98. 100. 101. & Tom. 4. lib. 5. adu. Marc. carn. c. 5. n. 8.

NON illud Paradoxum videtur, quod scribit Tertullianus, Filium Dei, non Patrem, quoties id in scripturis legitur, visum vel auditum ab hominibus, nempe quum apparuit Adamo, Gen. 3. Noe, Gen. 9. Abraham, Gen. 12. 17. 18. Loth, Gen. 19. Agar, Gen. 22. Iacob, Gen. 26. 32. 35. & Moysi, Exod. 3. & sequ. 32. ac 33. quum id desumpsit ad verbum ferè ex S. Iustino Mart. Dialogo adu. Tryphonem, & partim ex S. Iren. lib. 3. c. 6. ac lib. 4. c. 23. & eos sequantur Nouatianus lib. de Trinit. cap. 25. 26. 27. B. Cyprian. lib. 2. Testim. adu. Iud. c. 5. & 6. ex iis locis comprobantes, Christum non hominem solum aut angelum, sed & Deum fuisse appellatum: nec aliter S. Ambrosius Præfat. in Lucam, S. Epiph. in Ancoratu, Prudentius adu. Anthropomorphitas, & Arnob. in Psal. 104. Quod videntur adducti tum verbis illis: *Deum Patrem* (sicut legit Auctor) *nemo videbit unquam, & vniuer,* Exod. 33. ac similibus, Ioan. 6. non quia Patrem quis vidit, nisi qui à Deo est: & econtrariò illis Christi, Ioan. 8. *Abraham exultauit vt videret diem meum, vidit & gauisus est.* Quamquam interim S. August. lib. 3. aduers.

a Patre generato genitus. Atqui quamquam hęc fati obscure dicatur: *Ipsū quod Pater & Filius dicuntur, nonne aliud pro alio est? pulcherrimē seipsum explicat postea, ita ut cum Scholasticis in eo consentiat, quod alius dicatur Pater, alius Filius, alius Spiritus sanctus; sed non aliud, eo quod non sint idem Pater, Filius, & Spiritus sanctus, & tamen eiusdem substantiæ. Si quæ præterea sunt alia dicto lib. adu. Praxea, quæ durius aut obscurius dicta sint, meminerit Lector totum hunc librum cautē legi & commodē intelligi debere. Ad Novatianam redeamus *Librum de Trinitate*. Imprimis quod habet cap. ii. *diuinitate sermonis in ipsa concretionē permixta*, cū quid tale inuenitur iam dicto libro aduers. Praxean, intelligi debere de permixtionē vnionis, non verō permixtionē naturarum diuinæ & humanæ, ibi adnotauimus num. 56. id comprobantes ex aliis pluribus eius Libri locis. Est fides recta (iuxta Athanasij Symbolum) ut credamus & confiteamur quod vnus sit Christus, non conuersione diuinitatis in carnem, sed adsumptione humanitatis in Deum, vnus omninō non confusione substantiæ, sed vnitate personæ. Deinde illud ibidem: *Ante quem nihil præter patrem eodem intellectu accipiendum, quo id quod supra adduximus ex Tertull. lib. aduers. Hermog. iuxta quod adnotauimus ad eundem librum cap. 31. num. 141.* Nec aliter quàm iam diximus, quod ibidem *minorem patre dicit ut filium*. Cautē etiam debet legi illud, quod videatur non aliam *vnitatem Patris & Filij* interpretari quàm *societatis concordiam*, adferens perperam ad hoc locum 1. Cor. 3. pro sua sententiā; quia Catholica fides & scripturæ etiam, veritatem essentiæ agnoscunt in Patre & Filio. Denique quod de Spiritu sancto non videatur consentire Catholicæ Patrum traditioni ex scripturis, factum putamus, non quod negaret Spiritum sanctum æqualem Patri & Filio; sed nondum re definita, obscurius solent loqui Patres veteres ob materiæ summam obscuritatem, ita tamen ut commodum aliquem sensum patiantur.*

TERTYLIANI